

Búsvæðavernd í Skerjafirði innan bæjarmarka Garðabæjar

Samningur um umsjón og rekstur

1. gr.

Samningsaðilar.

Umhverfisstofnun, kt. 701002-2880 og Garðabær, kt. 570169-6109 gera með sér samning um umsjón og rekstur verndarsvæðis Skerjafjarðar í Garðabæ í samræmi við 30. grein laga um náttúruvernd, nr. 44/1999, en um er að ræða búsvæðavernd. Friðlýsta svæðið er 427,56 ha að flatarmáli en Skerjafjörður er undirstaða að afar fjölbreyttu fuglalífi allan ársins hring og er svæðið mikilvægur viðkomustaður farfugla og fargesta sem hér hafa viðdvöl á leið sinni til og frá norðlægum varpslóðum. Fjörur og leirur eru lífríkar, þar eru miklar þangfjörur og grunnsævi er með auðugu botndýralífi.

2. gr.


Markmið samningsins.


Markmið samningsins er að umsjón og rekstur búsvæðaverndar Skerjafjarðar í Garðabæ sé í samræmi við lög um náttúruvernd nr. 44/1999 og reglur hins friðlýsta svæðis í samræmi við auglýsingu um friðlýsinguna í Stjórnartíðindum. Samningur þessi tekur einnig mið af samningnum um verndun villtra plantna og dýra og lífsvæða í Evrópu (Bern 1979) sbr. Stj.tíð. C 17/1993, samningnum um líffræðilega fjölbreytni (Río de Janeiro 1992) sbr. Stj.tíð. C 3/1995, hliðsjón af lögum um vernd, friðun og veiðar á villtum fuglum og villtum spendýrum, nr. 64/1994 og samþykkt um votlendi sem hafa alþjóðlegt gildi, einkum fyrir fuglalíf (Ramsar 1971) sbr. Stjórnartíðindi C 1/1978.

3. gr.

Mörk verndarsvæðisins.

Verndarsvæði það sem hér er lýst er hluti af Skerjafjarðarsvæðinu en mörk verndarsvæðisins ná til strandar, fjöru, grunnsævis og sjávarbotns innan marka Garðabæjar, alls 4,2756 km² (427,56 ha). Mörk verndarsvæðisins eru sýnd á meðfylgjandi uppdrætti og afmarkast af þeim hnitum sem gefin eru upp í ISN93 á uppdrætti. Verndarsvæðið nær ekki til athafna- og byggðasvæða þar með talið einkalóða sem ná í sjó fram.





4. gr.

Verndaráætlun.

Umhverfisstofnun í samstarfi við Garðabæ skal vinna að gerð verndaráætlunar fyrir bússtöðavernd Skerjafjarðar í Garðabæ í samræmi við d lið 6. gr. laga um náttúruvernd, nr. 44/1999. Samið skal sérstaklega um skiptingu kostnaðar vegna gerðar verndaráætlunar.

5. gr.

Umsjón og landvarsla.

Garðabær sér um daglegt eftirlit, umsjón og rekstur með bússtöðaverndinni. Málefnum sem upp kunna að koma og kalla á sérstakar ráðstafanir eða stjórnvaldsákvæðanir ber að vísa til náttúruverndardeildar Umhverfisstofnunar.

Umhverfisstofnun býður stafsmanni Garðabæjar sem umsjón hefur með verndarsvæðinu að sækja árlegan fund landvarða og Umhverfisstofnunar sem haldinn er að hausti ár hvert.

Landvörður skal uppfylla ákvæði 29. gr. laga um náttúruvernd, sbr. 1. gr. reglugerðar um landverði, nr. 61/1990.

6. gr.

Fræðsla.

Umhverfisstofnun og Garðabær hafa samstarf um útgáfu fræðsluefnis, svo sem bæklinga og skilta. Merki Garðabæjar og Umhverfisstofnunar skal vera á öllu fræðsluefni samningsaðila um svæðið. Um skiptingu kostnaðar skal samið hverju sinni.

7. gr.

Mannvirkjagerð og aðrar framkvæmdir.

Öll mannvirkjagerð, jarðrask og önnur breyting á landi skal vera í samræmi við samþykktar skipulagsáætlanir, auglýsingu um friðlýsingu Skerjafjarðar í Garðabæ og verndaráætlun. Varðandi allar framkvæmdir á verndarsvæðinu ber að fylgja ákvæðum 38. gr. laga um náttúruvernd.

8. gr.

Gjaldtaka og þjónustugjöld.

Garðabæ er heimilt að taka þóknun fyrir þjónustu sem veitt er innan verndarsvæðisins svo sem leiðsögn um svæðið, sbr. 32. gr. laga um náttúruvernd.

9. gr.

Skipting kostnaðar.

Garðabær kostar laun og annan kostnað vegna daglegs eftirlits, umsjónar og rekstrar búsvæðaverndarinnar í Garðabæ. Um skiptingu kostnaðar sérstakra verkefna skal samið hverju sinni.

10. gr.

Skýrslugerð.

Garðabær skal gefa Umhverfisstofnun skýrslu ár hvert um ástand, framkvæmdir og aðra starfsemi í friðlandinu. Skila skal skýrslu til Umhverfisstofnunar í lok hvers starfsárs. Í skýrslunni skal tilgreina um veittar undanþágur ráðherra, sbr. 9. gr., auglýsingar um verndarsvæðið, ástand lands, sjávar og lífríkis, fræðslu, gestafjölda, umgengni, framkvæmdir og kostnað af þeim og annað sem kann að skipta máli varðandi búsvæðavernd Skerjafjarðar í Garðabæ.

11. gr.

Eftirlit Umhverfisstofnunar.

Umhverfisstofnun hefur eftirlit með því að umsjónar- og rekstraraðili uppfylli samningsskuldbindingar í samræmi við samning þennan, þær reglur sem gilda um náttúruverndarsvæðið, sbr. auglýsingu um friðlýsinguna í Stjórnartíðindum, 30. gr. laga um náttúruvernd, nr. 44/1999, og verndaráætlun.

12. gr.

Gildistími.

Gildistími samnings þessa fyrir búsvæðavernd á Skerjafirði í Garðabæ er 10 ár frá undirritun og staðfestingu umhverfisráðherra.

13. gr.

Ákvæði um endurskoðun.


Hvor samningsaðili um sig getur óskað eftir endurskoðun á samningi þessum hvenær sem er. Þó skal endurskoða samninginn eigi síðar en að fimm árum liðnum.

14. gr.
Gildistaka.


Samningur þessi er í þremur samhljóða eintökum og heldur hvor samningsaðili einu eintaki og umhverfisráðherra einu.
Samningurinn tekur gildi við staðfestingu umhverfisráðherra.


Garðabæ, 6. október 2009

F.h. Umhverfisstofnunar



Kristín Linda Arnadóttir
forstjóri

F.h. Garðabæjar


Gunnar Einarsson
bæjarstjóri



Staðfesting umhverfisráðherra


Svandís Svavarsdóttir
ráðherra

Vottar:

